



Synfocity = 498

mail us at : mzsynfo@gmail.com; mizoramsynod@gmail.com - Phone - 2314648

31st July, 2014

❑ **Counselling Training khar**

Mizoram Synod, Family Guidance & Counselling Centre (FG&CC)-in Kohhran Upate puala July 16, 2014 atanga Synod Conference Centre-a Church Leaders' Intensive Residential Pastoral Care & Counselling Training vawi 20-na a buatsaih chu July 29, 2014 (Thawhlejni) zan khan 'Final Evaluation & Graduation Service' neini khar a ni. Training kharna hi Synod Moderator Rev. K. Lalhmuchhuaka chuan hmanpuiin, Training chhuakte hnenah Certificate semin thuchah a sawi. He Counselling Training-ah hian Pastor Bial 7 atangin Kohhran aiawh 18 an tel a ni. Training kharna inkhawm hi Rev. R. Lalhmingthanga, Director, FG&CC-in a kaihruai a, Training chhuakte chuan training an hlawkpui dan a lema an ziak chu entirin an hrilhfhia a, Upa T. Hmingthanzuala'n trainee aiawha thu sawiin, Venghnuai Pastor Bial Zaipawl an zai bawk. He hun hmanpuitu Synod Moderator chuan training chhuakte fuihna thu sawiin, "Kohhran mite ngaihsaka, an harsatnaa tanpuitu ni thei tura inbuatsaih zel hi thil pawimawh tak a ni" tiin chutiang atana Counselling Training buatsaih a ni chu lawmawm a tih thu leh, training chhuakte pawh harsatna tawkte tanpuina kawngah nasa zawka inbuatsaih zel turin a fuih bawk. FG&CC hian Pastor-te pualin Pastoral Care & Counselling Training hi vawi 23 buatsaih tawhin, Pastor 391 training a neihpui tawh a. Tin, Church Leader-te puala kum 2002 atanga training a neihpui tawhah, tun tuma mite nen hian Kohhran hruaitu 370 Training pek an ni tawh a ni.

❑ **Document vawn dan zir ho**

July 29, 2014 khan Synod Office-a Committee Room No. II-ah Synod Archives Department huaihawtin Document chi hrang hrang vawn that dan zir ho a ni a, resource person atan Rev. H. Remthanga hman a ni. He programme hi Rev. P.C. Pachhunga, Executive Secretary i/c Archives etc. in a kaihruai a, inhmelhriattirna hun a hmang nghal bawk. He programme-ah hian Synod hnuai Department hrang hrang atangin aiawh pahnih theuh an kal a, an vain mi 59 an kal thei a ni. Resource person Rev. H. Remthanga paper buatsaih 'Synod huam chungang Document pawimawh vawn that' tih thupui zir ho a ni a, hetah hian document hlui pawimawhna leh vawn that tulna te, document vawn that dan awmze nei leh hman tangkai duh huna awlsam zawka duh lai zawn chhuah awlsam dan te zir ho a ni. Mizoram Presbyterian Kohhran chanchin kal zel chhuina atana document pawimawha ngaih tur chin te sawi hovin a vawn that dan kalhmang tha zir ho a ni a. Mizote hetiang thil vawn that lama kan chaklohna te tarlangin hei hian kan history pawimawh tam tak chhui harsa takin a siam thin niin Rev H. Remthanga chuan a paper-ah a tarlang bawk. Paper zir zawh hian sawi hona hun tha tak hman a ni a, rawtna tha tak leh hmasawn zel dan turte tarlan a ni. He document vawn that dan zir hona hi thangthar lo chhuak zel turte tana kawng sahna pawimawh a nih thu te tar lan a ni.

❑ **Synod Press Khawl Thar Hlan**

July 29, 2014 khan Synod Press- a lehkhah thlehna khawl thar (Ratan Paper Folding Machine) chu Synod Executive Secretary Rev. Lalzuithanga, PRESCOM changtu chuan Pathian hnenah a hlan. He hlanna inkhawm hi Pu Lalhruaitluanga Ralte, PRESCOM Manger chuan a kaihruai a, PRESCOM General Manager Upa R. Lalmalsawma chuan thu sawiin an khawl thar chu hnathawhna atana thil tangkai tur leh hna tichaktu atan a tul avangin an mamawh belh thu Synod-ah an thlen a, Synod chuan lei an lo remti a, he khawl thar hi Kohima Machine Tools, Gujarat siam a ni a, Rs. 6,18,240/- in lei a ni. Rev. Lalzuithanga, Senior Executive Secretary chuan Synod Press-in hmasawna rahbi thar a rap chho leh hi lawmawm a tih thu sawiin, Synod-in mamawh an thlen ang te a ngaihpawimawhsak thin avangin lawmthu a sawi a. 'He khawl thar hi sawt zawka Pathian rawng kan bawl theihna tur leh nasa zawka midangte tana malsawmna kan nih theihna tur a ni a. Chuvangin, a hmangtute leh a enkawltute zawng zawng pawhin chutiang rilru pua kan enkawl a pawimawh hle a ni,' a ti. He khawl nen hian Synod Press hian lehkhah thlehna khawl pahnih a nei ta a, he khawl hian lehkhah chhut chhuah kuta thleh ngai thin kha awlsam takin rang takin a thlep zung zung thei a, Press lam hnathawhna kawng hrang hrangah nasa takin hma a sawn thei dawn a ni.

❑ **Zin**

- ♦ July 29 - 31, 2014 chung hian PCI Working Committee, Shillong-a tel turin Rev. Lalzuithanga, Senior Executive Secretary a kal a, July 29 - August 2, 2014 chungang PCI Assembly Mission & Evangelism Committee, Shillong-a neihah Rev. K. Lalhmingliana, Committee Member a tel mek bawk.
- ♦ August 1 - 3, 2014 chung hian Khawhai South Bial huapin Synod Sum Vawn Dan Training & Finance Campaign neih a ni dawn a, hemi neihpui tur hian Upa C. Lalmuankima, Asst. Finance Manager; Upa Vanlalangaia leh Pu R. Lalnunkima (Synod Revival Speaker) te an kal ang.
- ♦ August 4 - 8, 2014 chung hian NEICC & PCI Executive Committee, Shillong-a neih turah Rev. Lalzuithanga, Senior Executive Secretary a kal ang a, August 5 - 8, 2014 chungang PCI Executive Committee, Shillong-a neih turah Rev. Lalramliana Pachua, Executive Secretary leh Rev. K. Lalrinmawia te an kal bawk ang.
- ♦ August 5 - 7, 2014 hian Presbyterian English School Lawngtlai leh Saiha tlawh turin Upa D.P. Biakkhuma, Supervisor of Schools a kal ang.

❑ **Music**

August 5, 2014 (Thawhlejni) zan hian Synod Music Committee buatsaih Residential Choir Conductors' Training hawna Synod Conference Centre-ah neih a ni ang. Training-ah hian Bial hrang hrang 12 (Sihphir, Sihphir Vengthar, New Serchhip, Sairang, Saitual, Keifang, Sialsuk, Sumsuih, Kolasib Venglai, Thingdawl, Sateek leh Kawrthawveng) chungang Kohhran 54 atangin aiawh pakhat theuh tel tura sawm an ni. Training hian August 8, 2014 (Zirtawpni) thleng a awh ang.

❑ **Kohhran Hmeichhia**

August 1 - 3, 2014 hian Sialhawk Kohhranah Kristian Chhungkaw Campaign & Leadership Training neih a ni dawn a, hemi neihpui tur hian Central Kohhran Hmeichhe hruaitu Pi Parchhuaki, Pi K. Lalthangmawii leh Pi R. Rengkhumii, Committee Members te an kal ang.

Contd...

- **MSSU**
 - ♦ August 1 - 3, 2014 hian Rengdil Bial huapin Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator leh T.Upa F. Lalenghluna, Ramhlun Vengthar (MSSU Trainer) te an kal ang.
 - ♦ August 1 - 3, 2014 hian Zawlnuam Bawrai Kohhranah Sunday School Zirtirtu Training neih a ni dawn a, hemi neihpui tur hian Upa Lalhmachhuana, Tuikual North leh Upa C. Lalbiaksanga, Zemabawk North (MSSU Trainers) te an kal ang.
- **Synod Mission Board**
 - ♦ July 27, 2014 (Pathianni) khan North Delhi Bial, Ludhiana Fellowship-ah Bialtu Pastor F.Pachhunga'n ringthar puitling 4 leh naupang 3 basptisma a chan tir.
 - ♦ July 28 - 5 August, 2014 chung hian Arunachal East, Arunachal West leh Assam Field Committee neih a ni dawn a, hemi neihpui tur hian Rev. Lalchhuanmawia, Secretary, Synod Mission Board; Rev. C. Chawngliana leh Rev. Lalbiakvulmawia (Board Executive Committee Member) te an kal. July 30, 2014 khan Itanagar-ah Arunachal West Field Committee neih a ni a, August 1, 2014 hian Khasan-ah Arunachal East Field Committee an thu leh ang a, August 4, 2014 hian Guwahati-ah Assam Field Committee an thu leh ang.
- **Kristian Thalai Pawl**
 - ♦ July 29, 2014 (Thawhlejni) khan Ass.t Leader Pu Samuel Laldingliana leh Pu R. Lalruatkima (Com. member) te chuan Bawngkawn Branch-ah Leadership Training an neihpui.
 - ♦ August 5, 2014 (Thawhlejni) hian Kawrtethawveng Branch Diamond Jubilee hmanpui turin Asst. Secretary Dr. Lalliansanga leh Pu V. Lalrinmawia (Com. member) te an kal ang.
 - ♦ August 7, 2014 (Ningani) hian Rev. J. Lalremsiama, CKTP Leader in Maubawk Branch KTP Diamond Jubilee a hmanpui ang.
 - ♦ Wales tlawha zin Synod Choir-te lawmthu sawina leh report pekna tur hetiang hian ruahman a ni:

| | | | |
|---------------------|---------|---|----------------------------|
| Aug. 2, 2014 (Sat) | Zan | - | Ramhlun North Kohhran |
| Aug. 3, 2014 (Sun) | Chawhnu | - | Chanmari Kohhran |
| Aug. 3, 2014 (Sun) | Zan | - | Dawrpui Kohhran |
| Aug. 9, 2014 (Sat) | Zan | - | Armed Veng Kohhran |
| Aug. 10, 2014 (Sun) | Chawhnu | - | Chaltlang Kohhran |
| Aug. 10, 2014 (Sun) | Zan | - | Mission Vengthlang Kohhran |
| Aug. 17, 2014 (Sun) | Chawhnu | - | Durtlang Kohhran |
| Aug. 17, 2014 (Sun) | Zan | - | Electric Veng Kohhran |
- **Hruaina Eng FM Radio & TV Programme**
 - ♦ **AUGUST 1 (FM Zoawi Aizawl @ 7:30 p.m.) :**
Solo : C. Lallianpui - ka nun hnar kai tu, **Choir :** Dawrpui Kohhran Zaipawl ngairawh, **Thuchah :** Upa Bonny Lalrindika - Thalai te leh tunlai khawvel, **Solo :** Jennnifer - Ka hmangaih che Isu, **Choir :** Besy Choir - I rawngbawl turin ka lo kal, **Solo :** Sawmtea - A mite tan
 - ♦ **AUGUST 1 (FM Lunglei @ 7:30 p.m.) :**
Solo : C. Lallianpui - ka nun hnar kai tu, **Choir :** Dawrpui Kohhran Zaipawl ngairawh, **Thuchah :** Upa Bonny Lalrindika - Thalai te leh tunlai khawvel, **Solo :** Jennnifer - Ka hmangaih che Isu, **Choir :** Besy Choir - I rawngbawl turin ka lo kal, **Solo :** Sawmtea - A mite tan
 - ♦ **AUGUST 3 (TV Programme @ 3:00 p.m.) :**
Zaipawl : Tlungvel Gate Veng Kohhran Zaipawl - Ramtharah kan awm, **Sermon :** Rev. C. Lianhmingthanga - Kan mamawh Pathian thutaka harhna, **Sawihona :** Kohhrana Tawngkam Hman Chungchang
- **Susamachar Prasaran Programme**
AUGUST 3 (Pathianni) 5:00 pm. Hindi Gospel Programme (Susamachar Prasaran) :
Group/Choir/Solo : Jubilee Kohhran - Hijo Aja, **Group/Choir/Solo :** Sihphir Bial - Yesu Mashi, **Sermon :** Rev. Mohanlal Tudu - Yishu papiong Ko Bachane, **Group/Choir/Solo :** Electric Bial Masihi Sangati Zaipawl 2, **Group/Choir/Solo :** Kawngkharmawii - Krus tere nishan
- **Synod Moderator Programme**
 Synod Moderator Rev. K. Lalhmuchhuaka chuan hetiang hian hun a hmang ang :

| | | | |
|-----------------------------|---------|---|---------------------------|
| August 2, 2014 (Inrinni) | Zan | : | Champhai Bethel Kohhran |
| August 3, 2014 (Pathianni) | Chawhma | : | Champhai Tlangsam Kohhran |
| August 3, 2014 (Pathianni) | Chawhnu | : | New Champhai Kohhran |
| August 3, 2014 (Pathianni) | Zan | : | Champhai Bethel Kohhran |
| August 4, 2014 (Thawhtanni) | Zan | : | Champhai Vengthar Kohhran |

HRIATTIRNA

Pathian biak inkhawm hruaina bu a chhuak leh ta a. Kohhran Secretary-in Kohhran Copy leh Active Upa te ta tur Synod Office-ah a lam theih leh ta e.

HRIATTIRNA

Synod Hospital, Durtlang chuan GNM zir tur a la dawn a, Prospectus/Application Form chu **August 1 - 23, 2014** chungin a hnuacia hmun tarlanah te hian dar 9:00 am - 4:00 pm chungin lei theih a ni e. Application form hi mahni ngeiin Principal Office-ah theih tur a ni ang.

- 1) **Principal Office, School of Nursing, Synod Hospital, Durtlang**
- 2) **Fraser's Clinic, Mission Veng**

Prospectus/Application Form man - Rs. 100/-

- Dil thei chin** :
1. 10+2 emaw a tlukpui emaw pass, 45% mark hmu chin.
 2. Nupui/Pasal la nei lo, kum 17-35 inkar.